

Tum Mere Ho Sanwariya | By Nikhil Goyal

Tumhe chhod ke Nand Dulare, koi na meet hamaro hai,
Kiske dwaare jaaun pukaarun, aur na koi saharo hai,
Aur na koi saharo hai.....

Tu aake baanh pakad le,
Tu har dam rehna saath,
Tum mhaare ho Sanwariya,
Tum rehna hamare saath.

Tum kripa banaye rakhna,
O mere Deenanath,
Tum mhaare ho Sanwariya,
Tum rehna hamare saath.

Tere kaaran sab jag chhoda,
Tumse naata joda hai,
Ek baar Baba ji keh do,
Main tera, tu mera hai.

Tu preet ki reet nibhana,
Ye bole tera daas,
Tum mhaare ho Sanwariya,
Tum rehna hamare saath.

Daas ki vinti tum sun lo,
Jag ke Raj Dulaare,
Aakhiri aas yahi jeevan ki,
Pooran karna pyaare.

Ek baar dil se laga lo,
O paagal ke sartaaj,
Tum mhaare ho Sanwariya,
Tum rehna hamare saath.

<https://bhaktivandana.com/lyrics/%e0%a4%a4%e0%a5%81%e0%a4%ae-%e0%a4%ae%e0%a5%87%e0%a4%b0%e0%a5%87-%e0%a4%b9%e0%a5%8b-%e0%a4%b8%e0%a4%be%e0%a4%82%e0%a4%b5%e0%a4%b0%e0%a4%bf%e0%a4%af%e0%a4%be-by-nikhil-goyal/>